

ԵՐԱԺՇՏԱԿԱՆ ՆԿԱՏՈՂՈՒԹԻՒՆՆԵՐ

IV

Շահլամեանը մեզ մօտ երկու կոնցերտ տւեց:

Ինչպէս որ ասել էի Նախընթաց անգամ՝ առաջին կոնցերտին թատրոնը ծալրէ ի ծալր լիքն էր. ալն ինչ երկրորդ կոնցերտին— թատրոնի զահլիճը կիսով չափ դատարկ էր: Ինչով բացատրել ակնհայտ անգամանքը: Նրանով որ Շահլամեանը զուր չեկաւ հասարակութեանը: Ապա ինչո՞ւ Նրա մասին այնքան շատ գրեց թէ տեղական և թէ օտար մամուլի մէջ: Միմիայն Նրա համար որ Շահլամեանը տիրապետում է մի հրաշալի, զօրեղ և ներկալ ժամանակներում հազազխւտ մի տենոր ձայնի, Բայց ջոկ բան է՝ լաւ ձայն ունենալը, և ջոկ բան է— նրանից օգտւել իմանալը: Շահլամեանը տէր է լիապէս առաջինին և գրեթէ զուրկ երկրորդից: Համարեա նոյնը՝ եթէ մի միջակ երաժշտի ձեռը տալու լինինք մի հիանալի երաժշտական գործիք: Պարզ ասելով Շահլամեանը շատ քիչ երաժշտական հոտառութիւն ունի:

Եթէ մեր հասարակութեանը առիթ տուէր Շահլամեանին լսելու օպերայի մէջ, ալսինքն մի խմբի մէջ, երգիչների շրջանում, Նապախմբի ձայնակցութեամբ, երգիչը զուր կը դար հասարակութեանը անհամեմատ ասելի, պատճառ որ օպերային երգչի համար ասելի կարևորը ձայնն է քան երգել իմանալը: Իսկ կոնցերտային երգչի համար ամենաանհրաժեշտը երգել իմանալն է: Թիֆլիսցիներին լաւ ծանօթ տենոր Լոյի՛ն և բարիտոն Պրեանիշնիկովը իրանց ձայների կէսը կորցնելով հանդերձ— վաղելում էին հասարակութեան համակրութիւնները և մինչև օրս շարունակում են անուն վաղեմ իբրև կոնցերտային նշանատր երգիչներ— հէնց ալն պատճառով որ նրանք երգել գիտեն: Եթէ նրանց տուէր Շահլամեանի ձայնի կէսի կէսը— նրանք հրաշքներ կը գործէին: Անշուշտ՝ կարելի է չուտալ որ և Շահլամեանը գտնւելով բեմի վրայ (այն էլ Պետերբուրգի), ձեռք կը բերի մի լալոնի աստիճանով երգել իմանալը և հէնց դրանով կ'ուղղի իւր անցած և ներկալի համար արդէն հնացած իդէալական դպրոցը: Նոյն իսկ իւր ալը կոնցերտներում երգած կտորների ընտրութիւնը վկայում է մեր

երգչի անճաշակ լինելը: Առաջին որ դանց արած լինելով բաղմամբիւ կոնցերտալին պիւններ, նրա ընտրած երգածները մեծ մասամբ զանազան բումաններ և օպերալին եղանակներ էին. և երկրորդ նրա այդ երգած եղանակներն ալնպիսի հնացած օպերաներից էին, որոնց իսկ զոլութիւնը փոքր ի շատէ երաժշտական ժամանակակից մարդիկ մշանկամալն իրաւունք ունին մոռացած լինելու: Օրինակի համար Տրափատա՛ն և մասնատրապէս Ֆաւորիտա՛ն: Ի՞նչ բանի համար էր ընտրել մեր երգիչը Ֆաւորիտա՛ն, իւր ձայնի ուժեղութիւնը ցոյց տալու համար բարձր դո՛ր մէջ, և քնչ դուրս եկաւ Այս որ հասարակութիւնը բաւականին անտարբեր կերպով ականջ դրեց այդ դո՛րին առանց հրապուրելու: Եւ միթէ իրաւունք կալ հաճանքի ցոյցեր պահանջելու մի հատ նոտալի համար: Ոչ, երգեցողութիւնը ֆոկուս չէ:

Բացի անճաշակ ընտրութիւնից, Շաշլամնանն ապացուցեց որ նոյն իսկ իւր այդ ընտրածները նա ըստ հարկին չէր մարսել: Երգիչները մեծամասնութեան նման նա լալանի դարձրեց թէ բոլորովին չը գիտէ լարդել հեղինակների ընտրած և ընդունած նշանները, զաշնակութիւնը (рѣтмъ, rythme) և չափերը: Այս պատճառով պիւններից մի քանիսն իրանց մասերում ալանդալաւ էին չը ճանաչելու աստիճանի չափ:

Շաշլամնանի գործածած միակ ձևը տա է. նա կամ վերցնում է աստիկ forte՛ր (բարձրաձայն) և խիստն արագ անցնում pianissimo՛ի (ցածրաձայն, մեղմ ձայն), կամ հակառակն անում:

Տիրապետելով մի զօրեղ շնչառութեան, որ շատ անհրաժեշտ է առաջնակարգ երգչի համար—Շաշլամնանն ի չարն է գործ ածում իւր այդ ընդունակութիւնը՝ արագ կերպով forte՛ից piano՛ին անցնելու համար, կանգ առնելով երկար, աւելի քան հարկաւոր է մի նոտալի վրայ: Այս ամենը շատ կարեւոր և շատ լաւ է եթէ անւում է ժամանակին և տեղին. իսկ անդադար արագ այդ ֆորտէ՛ից պիանո՛ի և պիանո՛ից ֆորտէ՛ի անցնելը (модулирование) թէ լողնեցնում է լսողութիւնը և թէ պակաս երաժշտական է:

Շաշլամնանի՝ իւր կոնցերտներում երգած հալ եղանակներից և ոչ մէկն ինձ գուր չեկաւ նրա երգած մեկնութեամբ (интерпретация), եթէ նա նրանց երգէր աւելի պարզ, առանց ցանկութեան իւր անվերջանալի՝ ֆորտէ՛ից պիանո՛ն և պիանո՛ից ֆորտէ՛ի արագ ելնջները ցոյց տալու համար—նրանք անշուշտ առաւել շատ գուր կը զալին թէ ինձ և թէ շատ շատերին: Ընդ տմին ևս առիթ ունեցալ կրկին համոզւելու որ հալ ընդուն շատ գեղեցիկ է երգեցողութեան մէջ: Եւ մտաբերեցի անցեալ ձմեռ մեզ հիւր եղած բարխտն Նդիադարեանցին: Ի՞նչպիսի զանազանութիւն երգել իմանալու մէջ: Թէ և Նդիադարեանցի ձայնը միջակ կարողութեան է և ալս կէտում տեղի է տալիս Շաշլամնանի ուժեղ ձայնին, ալնու ամենաշնիւ շատ ախորժելի էր լսել Նդիադարեանցին թէ օպերաներում և թէ մասնատրա-

պէս կոնցերտներում: Անկասկած է որ նաև Եղիազարեանցին չի կարելի
կատարելագործած կոնցերտալին երգիչ համարել - սակայն նա վերին
աստիճանի երաժշտական է և նրանից շատ շուտով կը կազմւի մի շնոր-
հալի արտիստ: Իսկ Շահլամեանը կարօտ է դեռ երկար կատարելագործու-
թեան՝ երաժշտականութիւն ձեռք բերելու համար:

Շահլամեանից լետոյ Թիֆլիսում կոնցերտ տւին պ. պ. Վարդիկեան
և Պոպով, մասնակցութեամբ Զուլթակահար Ասատուրովի: Եւ չը կարողա-
ցալ ներկայ լինել այդ կոնցերտին. ասում են շատ քիչ մարդ էր ժողով-
ւել նրանց լսելու:

Յուլիս 22, 1892 թ.